

Inatsisartut suleriaasiat § 37 naapertorlugu matumuuna Naalakkersuisunut apeqqut imaattoq saqqummiuppara:

- 1. Kiffartuussinissamik isumaqatigiissuteqarfigineqarsimasup (Air Greenland-ip) taartumi angalaqqusaannginneq ilisimareersimaguniuk sooq atuisunut siusissukkulli ilisimatitsissutigisimangilaa?**
- 2. Atuisut aatsaat oqalliffigit assigiinngitsut oqallisilmata sooq aatsaat ilisimatitsis-sutigineqarpa?**
- 3. Nunatta avannarpassinnerusortaani taartumi angalaqqusaajunnaarnerup kingunereriaannaavaa angalaniartut ikileriarujussuarnerat. Taamaalippat soorunami kingunerissavaa kiffartuussas-sat ikilinerat. Tamanna pillugu kiffartuussinissamik isumaqatigiissuteqarfigisimasap ani-ngaasartuutigineqartussatut aallaaviusimasut ikilisinneqarsinnaanissaat ilimagineqarsinnaa-nerluni?**
- 4. Silaannakkut angallannermi aqutsisoqarfimmiik Air Greenland A/S siusissukkat taartumi angalaqqusaajunnaarnermik ilisimatinneqarsimaguni aatsaallu atuisut tungaaniit oqallit-toqalermat Air Greenland tusagassiuutitigut akissuteqarluni pissusissamisooqa? Tamanna pisussamik ilisimannereerluni isertuussisimanertut taasariaqarpa?**
- 5. Angallassinikkut ajornartorsiuteqalertussaalluni ilisimareerlugu atuisunut ilisimatitsisiman-nginneq kiffartuussinissamik isumaqatigiissuteqarsimaneq unioqqutinneqarsimasutut taane-qartariaqarpa?**

(Jess Svane, Siumut)

Tungavilersuut:

Ilisimatitsissutit paasitinneqarnerillu assigiinngitsut aallaavigalugit nunatta avannarpassinnerusortaani kiffartuussinissamik isumaqatigiissuteqarfiusuni kiffartuussiniarnerit killeqartorujussuannngussasut paasivarput. Tamannalu pisortatigoortumik atuisunut ilisimatitsissutaanani.

Tamatuma kingunerisussanngorpaa isumaqatigiissuteqarluni kiffartuussiviusussani ukiuunerani aammalu kaperlaap nalaani kiffartuussineq ilaannakortorujussuaq ingerlanneqalissasoq.